

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENICA
Broj: T04 0 KTD 0057588 24
Zenica, 13.03.2025. godine

OPĆINSKOM SUDU U VISOKOM
-Sudiji za prethodno saslušanje-
VISOKO

Na osnovu člana 45. stav 2. tačka i), člana 241. stav 1. i 410. ZKP-a F BiH,
podizem

OPTUŽNICU

Protiv:

- 1.P. A., neosuđivan, koga brani branilac K. V., advokat iz Sarajeva,
2. G. A., neosuđivan,

što su:

dana 26.04.2023. godine, oko 22,45 sati, na području grada Visoko, dok su se kretali jednosmjernom ulicom ... putničkim vozilom marke „...“ reg. oznaka ..., kojim je upravljao G. A., a P. A. sjedio na mjestu suvozača, prolaskom pored mopeda marke „...“ reg. oznaka ... kojim je upravljao oštećeni, mldb. M.A. ..., a na kojem je iza njega sjedio mldb. B.I. ..., koji moped je dolazio iz suprotnog pravca i to suprotno od dozvoljenog kretanja, nakon što im je prilikom mimoilaženja oštećeni opsovao Boga zato što je putničko vozilo prošlo vrlo blizu pa se prepao da ne udari u moped, a i oni njemu odgovorili psovka, G. A. je zaustavio putničko vozilo, a oštećeni zaustavio moped, nakon čega je G. A. vratio vozilo u rikverc do oštećenog, pa je iz vozila izašao P. A. govoreći :“Stani, stani da ja izvadim iz gepeka“ i krenuo prema gepeku vozila, koji je otvorio i nešto vadio iz njega, za koje vrijeme je mldb. B.I. sišao sa mopeda, a oštećeni uplašen da će ga P. A. napasti, ne želeći sukob sa osumnjičenim krenuo na mopedu prema svojoj kući u ..., a za njim prateći ga i osumnjičeni u putničkom vozilu „...“ i ubrzo ga kad je prešao most, te oštećeni bio u ulici K. U., naspram Franjevačkog samostana, svjesni da će nasiljem, drskim i bezobzirnim ponašanjem ugroziti građanski mir oštećenog, što su i htjeli, osumnjičeni G. A. prednjim desnim blatobranom vozila „...“ udario u zadnju lijevu stranicu mopeda, uslijed čega je oštećeni pao s mopeda na trotoar i zadobio povredu desne noge u predjelu butine sa zadnje strane i desne ruke, nakon čega je oštećeni ustao sa trotoara, a za to vrijeme iz putničkog vozila „...“ izašao suvozač P. A. te mu rekao: „Hoćeš da si mangup“ i podigao ruku prema oštećenom da ga udari, na što se oštećeni izmakao i udario P. A. kacigom koju je skinuo sa glave, te je započela tuča između njih dvojice pri kojoj mu je P. A. govorio:

„Hoćeš sad ovdje da te izbušim“ a oštećeni mu odgovorio: „Neću, nemoj“, kada je iz putničkog vozila izašao i G. A. sa pištoljem u ruci koji je uperio prema oštećenom, kojem je P. A. naredio da klekne i da se izvini, što je oštećeni u strahu i učinio, a P. A. uzeo kacigu sa tla koja je nakon tuče pala i kacigom udario po mopedu u predjelu fara, nakon čega su osumnjičeni ušli u putničko vozilo „...“, sa sobom ponijeli kacigu mldb. M.A. i udaljili u nepoznatom pravcu, kojom prilikom je oštećeni, mldb. M.A. zadobio lake tjelesne ozljede u vidu ogrebotine kože stražnje strane desne šake, ogrebotine kože u dijelu desnog bedra (vanjske strane desne natkoljenice) i ogrebotine kože u dijelu vanjske strane desne potkoljenice, što je kod oštećenog dovelo do uznemirenosti i nesigurnosti, pa je napad prijavio policijskim službenicima PS Visoko,

dakle, nasiljem, drskim i bezobzirnim ponašanjem prema drugome ugrozili građanski mir, pri čemu je osoba lako tjelesno ozlijeđena,
čime su počinili krivično djelo Nasilničko ponašanje iz člana 362. stav 2. u vezi sa stavom 1. i članom 31. KZ F BiH.